

**Illoqarfinni nunat immikkoortuini qitiusumik napparsimaveqarfiusuni toqusimasut
timaannik ikuallaaveqalersinnaaneranik periarfissanik kiisalu aningaasaqarnikkut
pitsaaqtinik pitsaanngequatinillu misissuinissamik Naalakkersuisut peqquneqarnissaat
pillugu Inatsisartuni aalajangiiffigisassatut siunnersuut. Taamattaaq Naalakkersuisunit
misissuiffiqeqassaaq innuttaasut toqusimasut timaannik ikuallaasalersinnaanermut
periarfissaqalernissaq tapersorsorneqarnersoq. Misissuinerup inernera UKA18
aallartitsinnagu saqqummiunneqassaaq.**

(Inatsisartunut ilaasortaq Kelly Berthelsen, Inuit Ataqatigiit)

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

**Siunnersuutip aappassaanneerdeqarnerani saqqummiunneqarneranut
ISUMALIUTISSISSIONTAA**

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliarinninnermini ilaasortarai:

Inatsisartunut ilaasortaq Mimi Karlsen, Inuit Ataqatigiit, Siulittaasoq
Inatsisartunut ilaasortaq Vivian Motzfeldt, Siumut, Siulittaasup tullia
Inatsisartunut ilaasortaq Laura Táunâjik, Siumut
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Anthon Frederiksen, Partii Naleraq

Ulloq 10. oktober 2017 UKA2017-imi siullermeerinninnerup kingorna ataatsimiititaliap siunnersuut
misissorpaa

1. Siunnersuutip imarisaa siunertaalu

Naalakkersuisut nunap immikkoortuini napparsimmaveqarfinni timinut ikuallaavinnik
pilersitsisoqarnissaannik periarfissamik misissuinissamut peqquneqarnissaannik

siunnersuuteqartup siunnersuutikkut matumuuna kissaatigaa, tamatumunnga ilanngullugit aningasatigut pitsaaqtaasinnaasut ajoqutaasinnaasullu. Ilanngullugulu timip ikuallaagaasinnaaneranut inuttaasut qanoq isumaqarnerannik Naalakkersuisut misissuinissaannik siunnersuut imaqarpoq. Misissuinerup inernerata UKA2018 sioqqullugusaqqummiunneqarnissaa kissaatigineqarpoq.

2. Siunnersuutip ataatsimiitaliamit suliarineqarnera

Siunnersummik matumunnga suliaqarnermut atatillugu siunnersuutip siullermeerlugu oqaluuserineqarnera aamma siunnersuutip siullermeerneqarnerani Naalakkersuisut allanngutissatut siunnersuutaat ataatsimiitaliamit maluginiarneqarsimapput. Tamatumunnga atatillugu ataatsimiitaliamit erseqqissaatigineqassaaq siunnersummik matumunnga akuersissutiginnineq tassaasanngimmat Naalakkersuisut timinut ikuallaavinnik aalajangersimasunik amerlassusilinnik pilersitsinissamut peqquneqassasut – aamma timinik ikuallaaviit taaneqartut pilersinneqarsinnaanerinik kiisalu aningasaqarnikkut iluaqtissartai ajoqtussartaalu pillugit misissuinermi inerniliussakkut pilersitsinerup iluaqutaanissaa paasinarsissagaluarpualluunniit.

Timinik ikuallaavinnik pilersitsisarneq pillugu Danmarkimi misissuisoqareersimasoq Naalakkersuisut akissuteqaamminni innersuussutigaat. Danskit misissuinerisa inernerataat tiimik ikuallaavimmik pilersitsissagaanni 18 mio. Kr. missaanni akeqassasoq. Nunap immikkoortuini napparsimmaeveqarfinttiminik ikuallaavinnik pilersitsisoqarneratigut aningasatigut kingunissaritinneqartut pitsaaqutissai ajoqutaasinnaasullu misissorneqarnissaat siunnersuuteqartup siunnersuut manna misissuineq siunnersuutigineqartoq ilaatigut ikuallaavinnit eqqaaneqartunit pilersitsisinnaanerup sunniutigisinnaasaanik nalilersuinermik imaqartariaqarpoq – tassunga ilanngullugu timinik ikuallaaviup pilersinneqarneratigut sipaarutaasinnaasut saniatigut ingerlatsineq, avatangiisirut sunniutit, il.il. missorneqarnissaat. Kalaallit Nunaanni timinik ikuallaavimmik pilersitsinermi aningasartuutaasussat ataatsimiitaliap isumaa malillugu Danmarkimi pilersitsinermit annikinnerunavianngillat.

Siunnersuutip siullermeerlugu suliarineqarnerani Naalakkersuisut allanngutissatut siunnersummik Naalakkersuisut ima saqqummiussaqarput:

Naalakkersuisut peqquneqassasut innuttaasut toqusimasut timaannik ikuallaasalersinnaanermut periarfissaqalernissaq tapersorsorneqarnersoq misissuiffigineqarnissaannut Inatsisartunut aalajangiiffigisassatut siunnersuut. Misissuineq UKA18 nallertinnagu saqqummiunneqassaaq.

Naalakkersuisut misissuitinneqassappata misissuinermi aningaasartuutaasussat ikinnerulersinnejarnissaat ataatsimiititaliamit isumaqtigineqarpoq. Misissuinermi takutinneqassappat timinik ikuallaasarneq inuttaasunit tapersorsorneqartoq, taava aningaasaqarnikkut pitsaaqutaasinnaasut ajoqutaasinnaasullu misissorneqarnissaat pisariaarutissaaq.

Naalakkersuisut allannguutissatut siunnersuutaannut aamma siunnersuuteqartup kissaateqarnera tunngatillugu ataatsimiititaliamit erseqqissaatigissaq ima oqaasertalerneqarsimammat.

[...] timinik ikuallaanissamut periarfissat pillugit inuttaasut tapersuersuintersut misissorneqarnissaat.”

(Ataatsimiititaliap erseqqissaanera)

Siunnersuutip maannakkutut oqaasertalerneqarsimasup taamatuttaaq Naalakkersuisut allannguutissatut siunnersuutaannik akuersissutiginninneq isumaqarpoq Naalakkersuisut timinik ikuallanneqarsinnaaneranut inuttaasut tapersuersuineranik Naalakkersuisut peqquneqassasut, taamaalillunilu inuttaasut ataasiakkaat namminneq ikuallanneqarnissaminnik kissaateqarsinnaanerat pineqarani. Misissuinermulli atatillugu inuttaasut ataasiakkaat siunissami taamaattumik atuinissamut isumaasa Naalakkersuisunit apeqqutigineqartarnissat ajoqutaanngitsoq ataatsimiititaliamit isumaqarfingineqarpoq.

3. Siunnersuutip aningaasatigut kingunerisassai

Inatsisartut suleriaasaanni § 33 imm. 1-imí takuneqarsinnaavoq, aalajangiussassatut siunnersuutip allaffisornermi aningaasatigullu kingunerisassai siunnersuutip tunngavilersuutaani nassuaatigineqassasoq.

Ataatsimiititaliamit maluginiarneqarpoq siunnersuummut aningaasatigut kingunissaritinnejartut siunnersuutip piusunngortinneqarnissaanut naleqquttuusut. Tamatumunnga ataatsimiititaliaq allatigut oqaaseqaatissaqanngilaq.

Naalakkersuisut allannguutissatut siunnersuutaannut tunngatillugu, Naalakkersuisut toqqarlugu ilisimatitsinngillat aningaasatigut kingunissaritinnejartut allanngortinneqarnissaannik. Taamaattorli allannguutissatut siunnersuut akuerineqassagaluarpat Naalakkersuisunut peqqusinerup annikillineratigut aningaasartuutissat annikillisinneqarnissaat ataatsimiititaliamit naatsorsuutigineqarpoq. Taamaalilluni allannguutissatut siunnersuutip akuersissutigineqarnerata kingunerissavaa nunap immikkoortuini illoqarfinni napparsimmaveqarfiusuni timinut ikuallaavissanik

pilersitsinissamut iluaqutaasinnaasut ajoqutaasinnaasullu misissorneqarnissaannik kinguneqassanngitsoq.

4. Ataatsimiititaliap inassuteqaatai

Ataatsimiititaliap **isumaqatigiittup** inassutigaa **aalajangiiffigisassaattut siunnersuut akuerineqassasoq.**

Ataatsimiititaliap **isumaqatigiittup** inassutigaa **Naalakkersuisut allannguutissatut siunnersuutaat itigartinneqassasoq.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Mimi Karlsen
Siulittaasoq

Vivian Motzfeldt
Siulittaasup tullia

Laura Táunâjik

Peter Olsen

Anthon Frederiksen